




საშურის მოახბა



№8 (382)

6 მარტი, ორშაბათი, 2023 წელი



გისურვებთ ბედნიერებას, ოჯახურ სიმშვიდეს, ჯანმრთელობასა და წარმატებებს!

ჩვენდა საამაყოდ, შეიძლება ითქვას, რომ საქართველოში, ისტორიულად, ყოველთვის დაფასებული იყო ქალის როლი საზოგადოებისა და ქვეყნის განვითარებაში. ძვირფასო ქალბატონებო, უდიდესი პატივისცემით გილოცავთ ქალთა საერთაშორისო დღეს, გისურვებთ ბედნიერებას, ოჯახურ სიმშვიდეს, ჯანმრთელობასა და წარმატებებს! თქვენს ცხოვრებაში შემოსულიყოს გაზაფხული, მზე, სილამაზე, სითბო და სიყვარული.

ზაალ (ზაზა) დუგლაძე,
საშურისა და ქარელის მაჟორიტარი დეპუტატი

ვუსურვებთ ყველა ქალბატონს ოცნებების ახდენას და მშვიდობიან და ერთიან საქართველოში ცხოვრებას!

ძვირფასო ქალბატონებო, უდიდესი პატივისცემით გილოცავთ 8 მარტს – ქალთა საერთაშორისო დღეს, და გისურვებთ ბედნიერებას, წინსვლას და წარმატებებს! საქართველოში ქალის როლი საზოგადოებისა და ქვეყნის განვითარებაში ტრადიციულად, ყოველთვის დაფასებული იყო. ჯერ კიდევ მე-12 საუკუნეში ქვეყანას მეფე თამარი მართავდა. მე-20 საუკუნის დასაწყისში კი, როდესაც პოლიტიკურ პროცესებში და საზოგადოებრივ ცხოვრებაში ქალების მონაწილეობა იშვიათობა იყო, საქართველოს დამოუკიდებელ რესპუბლიკას უკვე ჰყავდა პოლიტიკური პარტიისა და დამფუძნებელი კრების წევრი ქალები. დღესაც, ქალები აქტიურად მონაწილეობენ საზოგადოებრივი თუ პოლიტიკური ცხოვრების ყველა სფეროში და ქვეყნის განვითარებაში საკუთარი მნიშვნელოვანი წვლილი შეაქვთ. ვუსურვებთ ყველა ქალბატონს ოცნებების ახდენას და მშვიდობიან და ერთიან საქართველოში ცხოვრებას!

თენგიზ ჩიტაშვილი,
საშურის მუნიციპალიტეტის მერი

უფალი შეგეწიოთ და მშვიდობა და კეთილდღეობა არ მოუშალოს თქვენს ოჯახებს, ძვირფასო ქალბატონებო!

სიმბოლური და არაშემთხვევითია გაზაფხული რომ ქალთა დღესასწაულებით იწყება, დედის დღე, ქალთა საერთაშორისო დღე - მინდა გავაერთიანო ორივე თარიღი და მოგილოცოთ დიდი სიყვარულით, პატივისცემით, გულშემატკივრული დამოკიდებულებით, ჩემო ძვირფასო ქალბატონებო! კარგად ვიცით, ოჯახის თუ სახელმწიფოსთვის არაერთი მნიშვნელოვანი საკითხი ქალის მხრებზე გადადის, ამიტომ მინდა ძლიერი მხრები გისურვოთ, სიყვარული, ბედნიერი წუთების დანახვა და განცდა, საიმედო გვერდში მდგომები. უფალი შეგეწიოს თქვენს, ჩვენს ოჯახებს, შვილებს, ჩვენ ქალაქს და ქვეყანას, მშვიდობა, განვითარება, კეთილდღეობა არ მოგვიშალოს!

ნინო ლიპარტელიანი,
საშურის მუნიციპალიტეტის
საკრებულოს თავმჯდომარე

აღინიშნა დიდი უკრაინელი პოეტის იუბილე

სურამში ღესია უკრაინკას 152 წლის იუბილე აღინიშნა. გამონიშნული უკრაინელი პოეტი ქალის ძველი საშურის მუნიციპალიტეტის მერმა თენგიზ ჩიტაშვილმა, მუნიციპალიტეტის მერიის და სურამის ღესია უკრაინკას მუზეუმის წარმომადგენლებთან ერთად, გვირგვინით შეამკო.

ღესია უკრაინკა 1871 წლის 25 თებერვალს დაიბადა უკრაინის ქალაქ ნოვოგრად-ვოლინსკში. პოეტი 1913 წელს სურამში გარდაიცვალა.

ღესია უკრაინკას ხსოვნისადმი მიძღვნილი ღონისძიებები სურამში ყოველწლიურად იმართება.



საშურში, ტაბიძის ქუჩაზე, არსებული სკვერის რეაბილიტაციის სამუშაოები დაიწყო

საშურში, ტაბიძის ქუჩაზე არსებული სკვერის რეაბილიტაციის სამუშაოები დაიწყო.

ამ ეტაპზე მიმდინარეობს ძველი კონსტრუქციების დემონტაჟი.

პროექტის ფარგლებში გათვალისწინებულია, ახალი შადრვენის მოწყობა, გარე განათებებისა და დასასვენებელი სკამების მონტაჟი, მოეწყობა კალათბურთისა და სკეიტბორდის მოედნები, ახალი ატრაქციონები, ტრენაჟორები, დაიგება ქვაფენილი, მოეწყობა მწვანე სივრცეები.

პროექტის ღირებულება 1 234 777 ლარია.

საშურის მუნიციპალიტეტის ინფრასტრუქტურის სამსახურის ინფორმაციით, სამუშაოები ზაფხულამდე დასრულდება.

აღნიშნული პარკი ქალაქის ცენტრში მდებარეობს და განსაკუთრებით, ახალგაზრდების საყვარელი ადგილია, ამიტომ სივრცის გალამაზება და კომფორტულად მოწყობა, მნიშვნელოვანია, როგორც ქალაქის მცხოვრებლებისთვის, ასევე სტუმრებისთვის.



ა(ა)იპ „სკოლისგარეშე სასპორტო საგანმანათლებლო დაწესებულება ხაშურის კომპლექსური სასპორტო სკოლის“ 2022 წლის მუშაობის ანგარიში

ხაშურის კომპლექსურ სასპორტო სკოლაში ფუნქციონირებს სპორტის ცამეტი სხვადასხვა სახეობა (ქართული ჭიდაობა, სამბო, ძიუდო, ბერძნულ-რომაული ჭიდაობა, თავისუფალი ჭიდაობა, ფეხბურთი, კალათბურთი, რაგბი, ჩოგბურთი, ძალსისხობა, ბატუტზე სტომა, ჭადრაკი, მკლავჭიდი), სადაც საწვრთნელ ვარჯიშებში ჩართულია 1359 ბავშვი. სკოლის ყველა მწვრთნელ-მასწავლებელი ლიცენზირებულია. საწვრთნელი ვარჯიშები მიმდინარეობს დამტკიცებული განრიგის მიხედვით. ვარჯიშების ჩატარებას სისტემატურ ზედამხედველობას უწევენ სკოლის დარგობრივი სპეციალისტები. საწვრთნელი ვარჯიშები ტარდება დახურულ დარბაზებსა

თბილისში, ევროპის ჩემპიონატზე დიდებში დაიკავა I ადგილი. ხარაიშვილი გია, რომელმაც 2022 წლის 20 მარტს, საქართველოში, ქ. თბილისში, ევროპის ჩემპიონატზე დიდებში დაიკავა I ადგილი. საქართველოს ჩემპიონი ვეტერანებში ჭიდაობა ძიუდოში, მულაძე დიმიტრი, რომელმაც 2022 წლის 4 მაისს, თბილისში, საქართველოს ჩემპიონატზე ვეტერანებს შორის დაიკავა I ადგილი. მსოფლიო ჩემპიონი ვეტერანებს შორის ჭიდაობა ძიუდოში, მულაძე დიმიტრი, რომელმაც 2022 წლის 6-14 სექტემბერს, პოლონეთში, ქალაქ კრაკოვში, მსოფლიო ჩემპიონატზე ვეტერანებს შორის დაიკავა I ადგილი. მსოფლიო ჩემპიონი ქვიშის ჭიდაობაში, ლევან ქელექსაშვილი, რომელმაც 2022 წლის 18-19 ივნისს, ესპანეთში, ქ. სანხენსოში, მსოფლიო ჩემპიონატზე დაიკავა I ადგილი. მსოფლიო ჩემპიონი ქვიშის ჭიდაობაში, ლევან ქელექსაშვილი, რომელმაც 2022 წლის 3-4 სექტემბერს, რუმინეთში, ქალაქ კონსტანტაში, მსოფლიო ჩემპიონატზე დაიკავა I ადგილი. მსოფლიო ჩემპიონი ქართულ ჭიდაობაში, ნოზაძე გიორგი, რომელმაც 2022 წლის 7 ოქტომბერს, საქართველოში, ქალაქ თბილისში პირველად გამართულ მსოფლიო ჩემპიონატზე ქართულ ჭიდაობაში დაიკავა I ადგილი.



ასევე, დიდ ყურადღებას ვაქცევთ სოფლად სპორტის განვითარებას, მუნიციპალიტეტის სოფლებში ფუნქციონირებს სპორტის 12 სახეობის სხვადასხვა ჯგუფები

2022 წელს, სპორტული ღონისძიებების პროგრამების დაფინანსება შეადგენს 305900 ლარს. საიდანაც 20555 ლარი გაიხარჯა სპორტული ინვენტარის შეძენაზე, ხოლო 284269 ლარი გაიხარჯა საქართველოს ჩემპიონატებსა და საქართველოში ჩატარებულ ტურნირებზე სხვადასხვა სახეობებში და ასევე, დაფინანსდა სასპორტო სკოლის აღზრდილების გამგზავრების ხარჯები საზღვარგარეთ ჩატარებულ ტურნირებზე, ასევე, დაფინანსდა წარმატებული სპორტსმენების და მათი მწვრთნელების დაჯილდოების ხარჯები და დამსახურებული მწვრთნელების დაჯილდოების ხარჯები. 2022 წელს სასპორტო სკოლის სახელფასო ფონდი შეადგენდა 478604 ლარს.

და ღია სპორტულ მოედნებზე, რომლებიც აღჭურვილია სათანადო სპორტული ინვენტარით. 2022 წელს, სპორტული ფედერაციებიდან მოსული დებულებების თანახმად, მონაწილეობა მივიღეთ სხვადასხვა სპორტულ შეჯიბრებებში საქართველოს პირველობებსა და ტურნირებში მუნიციპალიტეტის ნაკრები გუნდის სახელით, რომელიც დაკომპლექტებულია სასპორტო სკოლის აღსაზრდელებით. ასევე, ჩვენი სპორტსმენები არიან საქართველოს ეროვნული ნაკრები გუნდების შემადგენლობაში სპორტის სხვადასხვა სახეობებში, რომლებმაც მონაწილეობა მიიღეს საქართველოს ჩემპიონატებსა და საერთაშორისო ტურნირებში, სადაც საკმაოდ კარგ წარმატებასაც მიაღწიეს. ასე, მაგალითად: 2022 წელს გვეყავს საქართველოს ჩემპიონი ჭიდაობა სამბოში, ნოზაძე გიორგი, რომელმაც 2022 წლის 11-12 თებერვალს, თბილისში, საქართველოს ჩემპიონატზე, ჭაბუკებში დაიკავა I ადგილი. საქართველოს ჩემპიონი სამბოში, დვალაშვილი ზაური, რომელმაც, 2022 წლის 16-17 დეკემბერს, თბილისში, საქართველოს ჩემპიონატზე დაიკავა I ადგილი. საქართველოს ჩემპიონი ქართულ ჭიდაობაში, გაფრინდაშვილი ხვიჩა, რომელმაც 2022 წლის 13-14 მაისს, ხაშურში, საქართველოს ჩემპიონატში ახალგაზრდებში დაიკავა I ადგილი. საქართველოს ჩემპიონი ძიუდოში, დვალაშვილი ზაური, რომელმაც 2022 წლის 28-30 დეკემბერს, თბილისში, საქართველოს ჩემპიონატზე დაიკავა I ადგილი. საქართველოს 2 გზის ჩემპიონი ძალსისხობაში, ოდიკაძე ვიკა, რომელმაც 2022 წლის 10-13 ივნისს, ზუგდიდში, საქართველოს ჩემპიონატზე ახალგაზრდებში დაიკავა I ადგილი და 2022 წლის 20-22 სექტემბერს, დუშეთში, საქართველოს ჩემპიონატზე ახალგაზრდებში დაიკავა I ადგილი. ევროპის მე-2 პრიზიორი ახალგაზრდებში ძალსისხობაში, ოდიკაძე ვიკა, რომელმაც 2022 წლის 8-11 აგვისტოს, პოლონეთში, ევროპის ჩემპიონატზე ძალსისხობაში ახალგაზრდებში დაიკავა II ადგილი. ევროპის თასის პრიზიორი სამბოში, ნასყიდ-აშვილი გიორგი, რომელმაც 2022 წლის 12-13 თებერვალს, ბელორუსიაში, ქალაქ მინსკში, ევროპის თასზე დაიკავა II ადგილი. მსოფლიო უნივერსიადის მე-2 პრიზიორი სამბოში, დვალაშვილი ზაური, რომელმაც 2022 წლის 19-24 სექტემბერს, თურქეთში, ქალაქ სამსუნში, მსოფლიო უნივერსიადაზე დაიკავა II ადგილი. გრანდსლემის მე-2 პრიზიორი ჭიდაობა ძიუდოში, მაისურაძე ლუკა, რომელმაც 2022 წლის 1-3 აპრილს, თურქეთში, ანტალიის გრანდსლემზე დაიკავა II ადგილი. გრანდსლემის მე-3 პრიზიორი ჭიდაობა ძიუდოში, მაისურაძე ლუკა, რომელმაც 2022 წლის 4-6 ნოემბერს, აზერბაიჯანში, ქალაქ ბაქოში, ბაქოს გრანდსლემზე დაიკავა III ადგილი. ასტერსის მე-3 პრიზიორი ჭიდაობა ძიუდოში, მაისურაძე ლუკა, რომელმაც 2022 წლის 20-22 დეკემბერს, ისრაელში, ქალაქ იერუსალიმში, იერუსალიმის მასტერსზე დაიკავა III ადგილი. ევროპის ჩემპიონი ჭიდაობა ძიუდოში. მაისურაძე ლუკა, რომელმაც 2022 წლის 1 მაისს, ბულგარეთში, ქალაქ სოფიაში, ევროპის ჩემპიონატზე დაიკავა I ადგილი. ევროპის ღია პირველობის მე-2 პრიზიორი ჭიდაობა ძიუდოში, მაისურაძე ლუკა, რომელმაც 2022 წლის 10-11 სექტემბერს იტალიაში ქალაქ რიონეში დაიკავა II ადგილი.

ასევე, დიდი ყურადღება ექცევა სპორტული ინფრასტრუქტურის მოწესრიგებას. ასე, მაგალითად, 2022 წელს, სურამის რაგბის სტადიონი აღიჭურვა ვიდეო კამერებით, ჭალაზე, ევრეთწოდებულ ღუდის სტადიონზე, მუნიციპალიტეტის თანადგომით, მოწესრიგდა გასახდელეები და სრული დატვირთვით მიმდინარეობს რაგბის ჯგუფების ვარჯიშები. რაც მთავარია გაიხსნა ხაშურის „ივერის“ სტადიონი, რამაც მეტი სტიმული მისცა მომავალი ფეხბურთელების აღზრდას და განვითარებას.

2022 წელს სასპორტო სკოლის საკუთარი შემოსავლებმა შეადგინა 37059 ლარი, დღეის მდგომარეობით ნაშთი გვერციცხება 32059 ლარი.

სასპორტო სკოლაში საწვრთნელი შეკრებები გაიარა თბილისის ორმა საფეხბურთო კლუბმა. ასევე, საწვრთნელი შეკრება გაიარა მეზობელი სომხეთის საკალათბურთო გუნდმა „არაპკირმა“.

2022 წლის შედეგები

ქართული ჭიდაობა

- 1. ხვიჩა გაფრინდაშვილი – საქართველოს ჩემპიონი.
- 2. ნოზაძე გიორგი --- მსოფლიო ჩემპიონი.

სამბო

- 1. ნოზაძე გიორგი – საქართველოს ჩემპიონი.
- 2. დვალაშვილი ზაური – საქართველოს ჩემპიონი.
- 3. ნასყიდაშვილი გიორგი – ევროპის თასის მე-2 პრიზიორი.
- 4. დვალაშვილი ზაური – მსოფლიო უნივერსიადის მე-2 პრიზიორი.

ძიუდო

- 1. ლუკა მაისურაძე – ანტალიის გრანდსლემის მე-2 პრიზიორი.
- 2. ლუკა მაისურაძე – ბაქოს გრანდსლემის მე-3 პრიზიორი.
- 3. ლუკა მაისურაძე – იერუსალიმის მასტერსის მე-3 პრიზიორი
- 4. ლუკა მაისურაძე -- ევროპის ჩემპიონი.
- 5. ლუკა მაისურაძე -- ევროპის ღია პირველობის მე-2 პრიზიორი.
- 6. ლუკა მაისურაძე – მსოფლიო ჩემპიონატის მე-3 პრიზიორი.
- 7. დიმიტრი მულაძე – საქართველოს ჩემპიონი ვეტერანებს შორის.
- 8. დიმიტრი მულაძე – მსოფლიო ჩემპიონი ვეტერანებს შორის

ძალსისხობა

- 1. ვიკა ოდიკაძე – საქართველოს ჩემპიონი.
- 2. ვიკა ოდიკაძე – საქართველოს ჩემპიონი.
- 3. ვიკა ოდიკაძე – ევროპის მე-2 პრიზიორი.

რაგბი

- 1. გურამი გოგინაშვილი – ევროპის ჩემპიონი.
- 2. გია ხარაიშვილი – ევროპის ჩემპიონი.

ქვიშის ჭიდაობა

- 1. ლევან ქელექსაშვილი – მსოფლიო ჩემპიონი.
- 2. ლევან ქელექსაშვილი – მსოფლიო ჩემპიონი.

ი. ხარაიშვილი

ა(ა)იპ ხაშურის კომპლექსური სასპორტო სკოლის დირექტორი

(გაგრძელება. დასაწყისი იხ. „ბმ“ #21,22,23,24,25,26,27,28,29 2020 წ. 2021 წ. #1,2,3,4,5,6,7,8,9,10,11,12,13,14,15,16,17,18,19,20,21,22,23,24,25,26,29,31,33, 34,35,40,41,42,43..2022 წ. #1, 2,3,4,5,6,7,8,9,10,11,12,13,14,15,16,17,18,19,20,21,22,23,24,25,26,27,28,29,30,31,32,33,34,35,36,37,38,39,40,41,46,47,48,49,50. 2023წ.#1,2,3)

ომის შემდეგ გუნდი შეივსო უკან დაბრუნებული ფეხბურთელებით და გაძლიერდა. „ლოკომოტივის“ დაუბრუნდა გრიშა ჯომარტიძე, რომელიც ომამდე თბილისის „დინამოში“ დამცველად თამაშობდა, ხაბაროვსკიდან ჩამოვიდა ილია ხაჩიძე (ლიპიანი). ილო იყო შორეული აღმოსავლეთის მხარის „დინამოების“ ნაკრების კაპიტანი. ხაშურის „ლოკომოტივი“ საქართველოს გუნდებს შორის ერთ-ერთი ძლიერი გუნდი იყო და გამარჯვებული გამოდიოდა მათთან მოედანზე სპორტულ ბრძოლაში“

1949 წელი მნიშვნელოვანი მოვლენით აღინიშნა ხაშურის სპორტულ ცხოვრებაში. მწვობრში ჩადგა ხაშურის ფეხბურთის სტადიონი. ეს უმთავრესად სპორტის ამ სახეობაში ხაშურელთა მიღწევების შედეგი იყო.

50-იან წლებში ხაშურის სპორტულ ცხოვრებაში ახალი ფურცელი გადაიშალა. ამას ხელი შეუწყო ხაშურის პედაგოგიური სასწავლებლის პროფილის შეცვლა. ანუ მანამდე სასწავლებელი მხოლოდ დაწყებითი კლასების მასწავლებლებს ამზადებდა, ახლა ფიზიკური აღზრდის მასწავლებლების მომზადება დაიწყო და სწორედ 50-იანი წლების დასაწყისში მოხდა მათი პირველი გამოშვება. შემდეგ მათ სწავლა გააგრძელეს საქართველოს ფიზიკური კულტურის ინსტიტუტში,სხვა უმაღლეს სასწავლებლებში და დაუბრუნდნენ რაიონს. ამ ფაქტმა განაპირობა ხაშურისა და არამარტო ხაშურის, რაიონის მთელ რიგ სკოლებში მოსულიყვნენ ფიზიკური აღზრდის კვალიფიციური მასწავლებლები, რომელთა სახელებთანაც მჭიდროდ არის დაკავშირებული ქალაქის და რაიონის სპორტული მიღწევები.

რაიონში განვითარებულ სპორტის ტრადიციულ სახეობებთან ერთად თანდათან ფეხს იკიდებდა სპორტის სხვა სახეობებიც (მძლეოსნობა, ჭადრაკი, ჭიდაობის სხვადასხვა სახეობები, კალათბურთი, ფრენბურთი, მაგიდის ჩოგბურთი და სხვა).

60-იანი წლებიდან განსაკუთრებული ყურადღება მიექცა ფიზიკური კულტურისა და სპორტის მოსახლეობის ფართო მასებში დანერგვასა და პოპულარიზაციას. რაიონში იქმნებოდა ფიზკულტურული კოლექტივები, რომელთა თაოსნობით ეწყობოდა საინტერესო სპორტული პაექრობანი, ხელს უწყობდნენ ნიჭიერი სპორტსმენების გამოვლენას, მათ პროფესიულ დაოსტატებას. ფართო ხასიათი მიეცა წარმოება-დაწესებულებებში, ქალაქად და სოფლად მარტივი სპორტული მოედნების მოწყობას. სპორტი თანდათან იქცა ახალგაზრდობის ცხოვრების განუყოფელ ნაწილად. თითქმის ყველა ორგანიზაციაში მუშაობდა ფიზკულტურის მეთოდისტები და ა.შ. მსხვილ საწარმოებში წარმატებით ინერგებოდა საწარმოო ტანვარჯიში. ფიზკულტურულ-სპორტული მუშაობა თანდათან დებულობდა მასობრივ ხასიათს.

რაიონში ნაყოფიერ მუშაობას ეწეოდნენ სპორტული საზოგადოებები: „განთიადი“, „სპარტაკი“, „კოლმეურნე“, „ლოკომოტივი“ და სხვები.

უკვე 1973 წლისათვის რაიონში არსებობდა 92 ფიზკულტურული კოლექტივი, რომელშიც გაერთიანებული იყო 14000 ფიზკულტურელი. მათ შორის იყო, 3000 ნიშნოსანი, 4500-მდე თანრიგოსანი (მათ შორის 16 პირველთანრიგოსანი), 2 ოსტატობის კანდიდატი.

1977 წელს რაიონში 92 ფიზკულტურულ კოლექტივში უკვე გაერთიანებული იყო 18000 ფიზკულტურელი, მათ შორის იყო 3400 სხვადასხვა სახის თანრიგოსანი, აქედან 28 იყო პირველთანრიგოსანი, ოსტატობის კანდიდატი - 2, ნიშნოსანი - 6300, ინსტრუქტორ-მწვრთნელი - 1600, სპორტის სხვადასხვა სახეების მსაჯი - 1400.

1979 წელს 88 ფიზკულტურულ კოლექტივში 18000 ფიზკულტურელი იყო გაერთიანებული. ამ წელს მომზადდა 16 პირველთანრიგოსანი, 2600 სხვადასხვა თანრიგოსანი და 4 ათასზე მეტი ნიშნოსანი.

საქართველოს VII საზაფხულო სპარტაკიადზე სპორტის თორმეტი სახეობიდან რაიონმა მონაწილეობა მიიღო თერთმეტ სახეობაში და საერთო მანქვებლებით მეოთხე ადგილი დაიკავა.

1980 წელს რაიონში ფიზკულტურელთა რაოდენობამ 19000-ს მიაღწია, აქედან ნიშნოსანი იყო 4000, პირველთანრიგოსანი - 24, ხოლო 1145-ს მინიჭებული ჰქონდა სხვადასხვა სპორტული თანრიგი.

80-იანი წლების ბოლოს რაიონში იყო 34 ფიზკულტურული კოლექტივი. 1988 წელს სპორტის ოსტატის ნორმატივები შეასრულა ორმა სპორტსმენმა, კანდიდატობისა - ოთხმა, პირველთანრიგოსანი გახდა - 47, ხოლო მეორე და მესამე თანრიგოსანი - 4868 სპორტსმენი.

მეორე რესპუბლიკურ ახალგაზრდულ თამაშებში რაიონმა მერვე ადგილი დაიკავა, მონაწილეობა მიიღო ათ სახეობაში. განსაკუთრებით კარგად გამოვიდნენ ქართული სტილის მოჭიდავენი, რომელთაც ექვსი პირველი ადგილი დაიკავეს.

რესპუბლიკის ჩემპიონები გახდნენ და საქართველოს ნაკრების შემადგენლობაში შევიდნენ ბ. ტეფნაძე, მ. მაისურაძე (ძიულო), გ. ჯელაძე (თავისუფალი ჭიდაობა), მ. ყიფშიძე, შ. ჯიბლაძე, ხ. ჩაუჩიძე, ლ. ლომიძე, დ. გრიგალაშვილი (მძლეოსნობა). ხაშურის სპორტულ ცხოვრებაში მნიშვნელოვანი მოვლენა იყო კულტურულ-სპორტული კომპლექსის შენობის აგება, სადაც ოცდაშვიდი სხვადასხვა სახის სპორტული ჯგუფი ფუნქციონირებდა.

90-იანი წლების დასაწყისში, ეროვნული დამოუკიდებლობის აღდგენის შემდეგ სპორტულ ცხოვრებაში გარკვეულ ძვრებს ჰქონდა ადგილი, რისი დასტურია, თუნდაც, საფეხბურთო კლუბ „ივერიის“ შექმნა, რომლის მატერიალური მდგომარეობის განმტკიცებისათვის თითქმის მთელი რაიონი ზრუნავდა, მაგრამ შემდგომ წლებში ქვეყანაში განვითარებულმა მოვლენებმა უარყოფითად იმოქმედა არა მარტო ფეხბურთის, არამედ სპორტის შემდგომ განვითარებაზეც. თუმცა, სპორტის ზოგიერთ სახეობებში რაიონი კვლავ ინარჩუნებდა მანამდე მიღწეულ წარმატებებს. ეს ითქმის ჭიდაობის (განსაკუთრებით ქართული), მძლეოსნობის შესახებ და სხვა.

კვლავ განსაკუთრებული პოპულარობით სარგებლობდა ფეხბურთი. 50-იან წლებში არსებობდა განაგრძობს საფეხბურთო გუნდი „ლოკომოტივი“, მაგრამ 60-იანი წლების დასაწყისში იგი დაიშალა. 1963 წლისათვის ხაშურს

საფეხბურთო გუნდი აღარ ჰყავდა.

1964 წელს შეიქმნა ახალი საფეხბურთო გუნდი „ხემო ქართლი“, რომელიც 1970 წლიდან „ივერიის“ სახელით ასპარეზობდა. ამავე წლიდან გუნდი პირველ ჯგუფში გადავიდა, რომელშიც უცვლელად მონაწილეობდა 2 ათეული წელი.

1972 წელს, 28 ოქტომბერს აღინიშნა ხაშურში ფეხბურთის დაარსების 50 წლისთავი. ამ დღეს „ივერია“ შეხვდა თელავის „კახეთს“ და მატჩი საქართველოს თასის მფლობელ გუნდთან მოგებით დაამთავრეს - 2:1. შემდეგ მოედანზე გამოვიდნენ ხაშურელი ვეტერანი ფეხბურთელები. ცნობილი „ლოკომოტივის“ გუნდს (ვასილ დერევიანენკო, ოთარ მადრაძე, გრიშა ჯომარტიძე, ჯულო ორჯონიკიძე, გიორგი კოპაძე, არჩილ მაჭარაშვილი, ანტონ ფარცვანია, ალექსანდრე რატია, შოთა აბასაშვილი, ვახტანგ ბარბაქაძე, გურამ თოდრია) ხვდებოდა 1950-1954 წლების მოთამაშე ფეხბურთელთა ნაკრები (სიმონ ბუღაძე, ანზორ დანგაძე, დავით კვინიკაძე, ზაურ ლეჟავა, ჯემალ მარკოზაშვილი, ნოდარ ქურდაძე, ნოდარ იკაშვილი, ბუღლუ კიკნაძე, ზურაბ შანიძე, ლერი ჯოხაძე, თენგიზ კეკელიძე). შეხვედრა ფრედ, 2 : 2, დამთავრდა. იმავე დღეს რკინიგზის კულტურის სახელში გაიმართა დიდი საზეიმო სხდომა.

70-იანი წლების შედეგები ასეთი იყო: 1971 წელს ჯერ კიდევ პირველი ლიგის დებიუტანტმა გუნდმა მე-12 ადგილი დაიკავა, იმ წელს 50 თამაშიდან 48 ქულა დააგროვა. 1972 წლის სეზონში გუნდი 40 თამაშიდან 37 ქულით (ბურთების სხვაობა 50:69) მე-16 ადგილზე გამოვიდა.

1973 წელი „ივერიისთვის“ (მწვრთნელი ნ. ქურდაძე) ეს იყო „ოქროს ხანა“, როდესაც მან უკან მოიტოვა ათი უძლიერესი მეტოქე და მე-8 ადგილზე გავიდა. მაშინ „ივერია“ 34 თამაშიდან 33 ქულა დააგროვა. ბურთების ბალანსი ამჯერადაც უარყოფითი იყო - 40 : 49. ამ სეზონში „ივერიის“ მნიშვნელოვან მიღწევად უნდა ჩაითვალოს საქართველოს თასის ფინალში გასვლა.

1974 წელი განსაკუთრებით კრიტიკული იყო „ივერიისათვის“, გათამაშების მონაწილე ოცი გუნდიდან მე-17 ადგილი დაიკავა.

1975 წელს „ივერია“ კვლავ დაიბრუნა დაკარგული პოზიციები, 42 თამაშიდან 39 ქულა, 22 მეტოქეს შორის საერთო მესამე ადგილი, ბურთების სხვაობა 44:45.

1976 წლის მიღწევები ანალოგიური იყო 1975 წლის სეზონისა.

80-იან წლებში „ივერიის“ შედეგები შემდეგ სურათს იძლევა:

1983 წელს საქართველოს პირველობაში მეექვსე ადგილი მოიპოვა.

1988 წელს „ივერია“ მერვე ადგილზეა საქართველოს პირველობაზე.

80-იანი წლებიდან „ივერია“ სპორტსაზოგადოება „კოლმეურნესა“ და საქსოფლტექნიკის ბაზაზე არსებობს. ამავე პერიოდიდან „ივერია“ აქტიურად იწყებს მონაწილეობას სოფლის ახალგაზრდობის საკავშირო ტურნირში, რომელიც ყოველწლიურად იმართებოდა ოდესის ოლქის ქ. იზმაილში. ტურნირი სოციალისტური შრომის გმირის, ქ. ტატარბუნარის კოლმეურნეობის თავმჯდომარის ვასილ ტურის სახელს ატარებდა.

პირველად „ივერია“ 1981 წლის შემოდგომაზე მიიწვიეს საკავშირო ტურნირის „მეგობრობის“ თასის გათამაშებაში, ქ. ტატარბუნარის აჯანყების სახელობის ლენინის ორდენოსანი კოლმეურნეობის თავმჯდომარის, სოციალისტური შრომის გმირის ვასილ ზაქარაიას ძე ტურის პრიზზე. ტურნირის ჩატარებას ხელმძღვანელობდა ნებაყოფლობითი სპორტული საზოგადოების „ოქროს თავთავის“ საკავშირო ცენტრალური საბჭო.

ტურნირში მიწვეულნი იყვნენ თითქმის ყველა მოკავშირე რესპუბლიკის ფეხბურთელთა გუნდები. „ივერია“ მოხვდა ქ. იზმაილის ზონაში, სადაც გამოდიოდნენ ბელორუსიის, სომხეთის და ესტონეთის ფეხბურთელები. ტურნირში მონაწილე 16 გუნდი დაყოფილი იყო 4 ჯგუფად. პირველი შეხვედრა „ივერია“ წარმატებით ჩაატარა ბელორუსიის გუნდთან და დამაჯერებელი ანგარიშით 6:0 გაიმარჯვა. ასეთივე წარმატებით ჩაატარეს თამაში სომხეთის ქ. ოქტომბერიანის გუნდთან. სამაგიეროდ ძალზე დრამატულად წარიმართა ესტონეთის გუნდთან თამაში. პირველი ტაიმი უშედეგოდ დამთავრდა. მხოლოდ მეორე ტურში შეძლეს ხაშურელმა ფეხბურთელებმა დაწინაურება და 4:0 დაამთავრეს მატჩი. მოწინააღმდეგის კარში ზედიზედ სამი გოლი გაუტანა თ. ოსაძემ, ხოლო უკანასკნელ წუთებში ო. ტიტვინიძემ შეძლო მე-4 გოლის გატანა.

ნახევარ-ფინალში „ივერია“ ქ. ნიკოლაევის (უკრაინა) ფეხბურთელთა გუნდს შეხვდა. „ივერელებმა“ მეტად ძნელ ბრძოლაში პენალტებით შეძლეს მოწინააღმდეგის დამარცხება (8:7).

ფინალში ხაშურელი ფეხბურთელები მასპინძლებს - ტატარბუნარის ფეხბურთელებს შეხვდნენ. უადრესად დაძაბული, უშედავათო ბრძოლა მასპინძლების გამარჯვებით (4:1) დამთავრდა.

ქუთაისის გადაწყვეტილებით ორივე ფინალისტ გუნდს გადაეცა პირველი პრიზები. „ივერია“ გადასცეს აგრეთვე გარდამავალი თასი. გათამაშების საუკეთესო ფეხბურთელად აღიარეს ხაშურელი პ. თაბუკაშვილი.

1984 წლის გათამაშებაში „ივერიის“ გარდა მონაწილეობდნენ სტეპანაგერტის „ყარაბახი“. ქ. იანგერის „იანგერი“ (აზერბაიჯანი), ქ. უდანის „აზოვეტი“ (უზბეკეთი), ტატარბუნარის „კოლსი“ (უკრაინა) და სხვები.

„ივერია“ პირველი შეხვედრა „ყარაბახთან“ გაიმართა და 2:1 მოიგო (გოლების ავტორები ნ. კიკნაძე და ო. ტიტვინიძე). შემდეგი თამაში უდანის „აზოვეტთან“ შედგა. „აზოვეტი“ ფიზიკურად კარგად მომზადებული და მეტად მობილიზებული გუნდი იყო, თუმცა, შეუპოვარ ბრძოლაში საბოლოოდ „ივერელებმა“ სძლიეს ანგარიშით 1:0. „იანგერთან“ შეხვედრა „ივერია“ გამანადგურებელი ანგარიშით დაამთავრა 7:1.

ფინალში „ივერია“ ტატარბუნარის „კოლოს“ შეხვდა და მატჩი ანგარიშით - 4:3 დაამთავრა. მოწინააღმდეგის კარში 3 გოლი გაიტანა ო. ტიტვინიძემ, ხოლო ერთი - ნ. კიკნაძემ.

ხაშურელი ფეხბურთელები დაჯილდოვდნენ მოოქროვილი მედლებით, პირველი ხარისხის დიპლომებითა და გარდამავალი პრიზით. განსაკუთრებით უნდა აღინიშნოს თ. ოსაძის, ნ. ლომსაძის, მ. ლომიძის ე. ხაჩიძის, ვ. ჭანგურიძის, ნ. კიკნაძის, ო. ტიტვინიძის, ლ. გაჩეჩილაძის, თ. კურტანიძის და სხვათა თამაში.

თამაზ ლაცაბიძე

(გაგრძელება იქნება)

დილა მშვიდობის, მეგობრებო, ანუ GUTEN MORGEN FREUNDE!

მასწავლებელთა პროფესიული განვითარების ეროვნული ცენტრის, ყურნალ „მასწავლებლის“ და ინტერნეტგაზეთ „maswavlebeli.ge“-ს, „ლიბერთი“ ბანკის მხარდაჭერით, ქართველი მწერლებისთვის გამოცხადებულ ლიტერატურულ კონკურსში - „მწერ მასწავლებლისთვის“, რომელიც ახლახანს დასრულდა, ერთერთი გამარჯვებული სურამის მე-3 საჯარო სკოლის კურსდამთავრებული სოფიო გოგოლაძე გახდა. დღეს მკითხველს ვთავაზობთ გამარჯვებული კორკუნსატის ნაწარმოებს.

თოვდა, ათოვდა სურამს... ზამთარში ყველაზე მეტად ლამაზია ჩემი სურამი. იმ 90-ინებში ლამაზობებიც კი არ იყო, რომ ეს თოვლის სიბრწყინვალე ქუჩებს მეტად დატყობოდა.

დედა, რა ლამაზია ზამთარში ჩემი სურამი, გაიფიქრო, იქეთ ნაძვი გიყურებს დაფიქრებული, აქეთ-გირჩეობა დაბლა წამოწოლილები, დაფიქრებულ, შეცვიებულები. მიყვარს, მიყვარს ჩემი სურამი, აი, თოვლის კი რა მოგახსენოთ. მერე სტუდენტი, რომ გავხდი, რომ გავიზარდე, ყველას უხაროდა თოვლი თბილისში, მე კიდევ არასოდეს.

გხედავდი თუ არა ფიფქებს, მციოდა, პოო, ძალიან მციოდა, ერთი, რაც ტკბილად ამ ცივ ზამთარში მახსენდებოდა, ჩემი დირექტორის გზა იყო, უფრო სწორად აღმართი, რომელიც არასოდეს აღმართად არ მოგვჩვენებია მეგობრებს, ეს იყო დიდი გზა მეგობრობის...

ამ აღმართზე, ბევრი უნდა გელაპარაკოთ, რა სიხარულით ავდიოდით ხოლმე ამ დიდი ქუჩას. ამ აღმართმა გვასწავლა ცხოვრება, სიყვარული და კიდევ ბევრი რამ, რაც ცხოვრებას უფრო კარგს და ლამაზს ხდის.

ისე, აღმართი, თუ არ აიარე, რანაირად უნდა დაეშვა დაბლა... დედა, რა კარგად ავიარეთ ეს აღმართი იმ ბნელ 90 -ში.

არა, არა, ყველა აღმართი არ არის ერთნაირი, დამიჯერეთ, ოო, რანაირი კარგი აღმართი იყო ჩემი დირექტორის, რანაირად დავდიოდით ისე, რომ ერთხელაც არ დაგვიწუწუნებია, მაგრამ რას დაიწუწუნებ, როცა სულ რაღაც თექვსმეტი წლის ხარ, სული წინ წინ გეპარება და თვალებში ათასი ეშმაკი გყავს, მარტო მე კი არა, ყველას ეგრე უხაროდა ეგ აღმართი...

ახლა რომ სული წინ გამეპაროს, ხომ დავრჩი ვადიშებული? დაბერდი სოფია, ასე მეუბნება, ხოლმე ჩემი თავი, ძალიან ვბრაზდები ხოლმე, რანაირად დავბერდი, კაცო, ხვალ სურამში უნდა წავიდე და ის აღმართი უნდა ავიარო, ვაკედ, რომ მეჩვენება მთელი ცხოვრება, ჩემს მეგობრებთან ერთად. ჩემს დირექტორთან მივდივართ, უნდა ვნახოთ, მე კიდევ სიბერეზე ვწუწუნებ, არ გრცხვენია სოფიო?!

აღმართის ცოტა მოშორებით ჩემი სკოლა იყო, სკოლის დამთავრების შემდეგ, ალბათ არცერთი ზაფხული, შემოდგომა არ მახსენდება, რომ არ შეგვკრებილიყავით კლასელები და დირექტორი არ მოგვენახულებინა...

იმდენჯერ ვახსენე, ჩემი კარგი დირექტორი, აუცილებლად დაგაინტერესდებოდათ ალბათ თუ რანაირი იყო ეს ლამაზი სულის ქალი, მოკლედ გეტყვით-თამრიკო მასწავლებელი, უადრესად განათლებული ქალი იყო, იცოდა რამოდენიმე ენა, იყო დიდი დიპლომატი და იცოდა ადამიანების (მასწავლებლების) შექება, მაშინ, როცა თავად ის პიროვნება ამას არ ელოდა, იყო დიდი მოტივატორი და ესმოდა ყველა ბავშვის, ცელქის, ჭკვიანის, „მატალოს“ მომწყოების, აი, იმ ბიჭების - ტუალეტში ჩუმად სიგარეტს, რომ ეწევიან, აი, იმ მშობლების, ბევრი პრეტენზიები, რომ აქვთ, აი, იმ მასწავლებლების, ზოგჯერ სულ უკმაყოფილოებით, რომ გამოირჩევიან, ცის ესმოდა, მიწის ესმოდა, ბევრჯერ თვალები მომიჭუტავს, დავკვირებივარ, იქნებ ადამიანი არ არის და ანგელოზია? ფრთები აქვსო ანგელოზისო ხომ ამბობენ, კაცო, პოდა ერთხელაც, რომ მოვჭუტე თვალები, დმერთო, ფრთები დავინახე...

-არა, არა სოფო, გელანდება გულში გავიფიქრე, მერე შემაკანკალა, ვილა-ცამ თითქოს ყურში ჩამწურწურულა-

-ფრთები, ფრთები, ნუ სვავ კითხვის ნიშნებს... შევმინდი და თან გამიხარდა.

აბა, ასეთი მეგობრობა, რაც ჩვენ მეგობრებს ჩემმა თამრიკო მასწავლებელმა გვასწავლა, მოკვდავ ადამიანებს შეუძლიათ ვითომ?!

დედა, რა ლამაზი კაბინეტი ქონდა, ჩვენს დირექტორს-გრძელი, ძალიან ნათელი. მაგიდა იდგა, დიდი და მწვანე ხავერდი ქონდა გადაკრული ზედ და გარშემო ეს ნაჭერი დიდი ღურსმინებით იყო დაჭედებული, ადვილად, რომ არ შემოტყვავებულიყო. თორმეტი სკამი იდგა, წინ დიდი ფანჯარა იყო, ჭრელი



ფარდით, როცა ქარი ამოვარდებოდა ხოლმე, ამ ფარდას, გააქანებდა, გამოაქანებდა, ჩემს დირექტორს ეს არ სიამოვნებდა და ხელს ყოველთვის წააგლეხდა ფარდას, ცდილობდა ფანჯრის იქეთ გადაეგდო, ეს ჭრელი ნაჭერი, ამ ფარდასთან ბრძოლისას, თმა აეშლებოდა ხოლმე, თან თმას ისწორებდა, თან ფარდას არ ეპუებოდა, მე კიდევ ეს ყველაფერ ძალიან მეღამაზებოდა.

ვიჯექი სკამზე, ფეხის წვერებზე და სულ ცოტაც და ამოვთქვამდი: - გინდათ თამრიკო მას, თმა გავისწოროთ?

- იყოს, იყოს, ეს ქარი არ მიყვარს... მიპასუხებდა ხოლმე გამესწორებინა ეს თმა რა მოხდებოდა, მინდოდა ასე მოვფერებოდი. ჩემთან ერთად რიგში, ბევრი ბავშვი იდგა ამოდ...

სტუდენტი რომ გავხდი, მერევე წელს, ჩემი ლამაზი სკოლა დაიწვა, როგორც ამბობენ, ბუხრიდან ცეცხლი გაჩნდა და მთელ სკოლას ისე მოედო, რომ თითქმის ყველაფერი დაიწვა...

ასე უცებ ამ სახარელმა ამბავმა წამართვა ბავშვობა და ჩემი სკოლის დერეფნები, კიბეები, „ბუფეტი“,

დედა „მეტრიკას“ ჩოდა, სულ მაინტერესებდა რა იყო ამ „მეტრიკაში“ ასე სადარდებელი, როცა აღარც სკოლა მქონდა და აღარც ის კაბინეტი სადაც ჩემი საყვარელი დირექტორი იჯდა...

-რა „მეტრიკა“ დედაა, ... -შვილო, მაგას აღდგენა უნდა, საჭიროა...

-საჭირო, დედა, ჩემი სკოლაა, სადაც მთელი ჩემი ბავშვობა გავატარე... მოკლედ, ასე დამეწვა სკოლა, გადარჩა რაღაც ნაწილი, რამოდენიმე სკამი, მაგიდა, მერე დაიწყო ბრძოლა, ახალი სკოლის შენობის მოძიებისათვის.

ჩემს დირექტორს ეს როგორ გაუჭირდებოდა, თავისი დიპლომატიით და ძალიან მალე, ახალი შენობა აიღო, გაგიკვირდებოდა და არც ერთხელ არა მქონია სურვილი იმ სკოლაში ასვლისა, იქ აღარაფერი იყო. ჩემი ბავშვობის კედლებსაც სხვა სუნი ჰქონდათ, კიბეებსაც, იატაკი აღარ ჭრიალებდა, არც ფარდები ქანაობდნენ, არც ის თორმეტი სკამი იდგა კაბინეტში, იყვნენ მხოლოდ ჩემი მასწავლებლები და ისინიც სხვანაირები მეჩვენებოდნენ, მოკლედ ჩემი ბავშვობის რაღაც ნაწილი ამ შენობამ წაიღო...

პოდა, მე და ჩემს მეგობრებს დავგვრჩა ეს აღმართი-ჩემი დირექტორის სახლისკენ მიმავალი...

იმ ახალ შენობაში, ბევრჯერ დავგვაბიჯე ჩვენმა მასწავლებლებმა, მაგრამ არცერთხელ არ ავსულვართ, გინდ დაიჯერეთ გინდ - არა, სკოლის სიყვარულს, იმ აღმართზე ავლით ვიკლავდით...

ჩემი მეგობრებიდან ყველა სტუდენტი გახდა. ზაფხული მოვიდოდა თუ არა, სურამისკენ მივექანებოდით, ოჯახის წევრების ნახვის მერე, სახლის ტელეფონზე (მაშინ მობილურებიც არა გქვონდა) ზარი ისმოდა ხოლმე.

-სოფი, სალაში, გიო ვარ. -დღეს კინოს ბაღში ვიკრიბებით, თამრიკო მასწავლებელი უნდა ვნახოთ...

-კი, კი, რომელზე, გიო? უუუუუუუუუუუუუუ

-ალო, ალო რას სჭირს ამ ტელეფონებს, გიო, ვიდაც ჩაერთო, გავიგე, გავიგე, მანდ ვარ სამ საათზე.

-პოო, არ დაავიანო, დიტო დღესვე ბრუნდება თბილისში, ხვალ გამოცდა ჰქონია და დღესვე უნდა ვნახოთ თამრიკო მასწავლებელი...

დედაჩემი მელოდებოდა გამზადებული, ბებიასკენ უნდა ჩავგვევლო. -დედა, მეგობრებს შევხვდები და მერე სადამოს ბებიასკენ გამოვივლი. დედას სწყინდა თითქოს ეს ამბავი, მაგრამ მე ზუსტად ვიცოდი, რას ვაკეთებდი...

ბებიანიჩემი დამიცვლიდა, ჩემს მეგობრებს კი ეჩქარებოდათ, აღმართისკენ გვეჩქარებოდა...

გველოდა, მეგობრობა და სიყვარული იმ პატარა აღმართის ავლისას, რომლის ბოლოს ის სახლი იდგა, ჩემი დირექტორი სადაც ცხოვრობდა...

სახლი ძალიან დიდი იყო, დიდი ეზოთი, მწვანე ბალახით...

წინ რამოდენიმე კიბე ჰქონდა ასავლელი, არცერთი ჩემი მეგობარი არ მახსენდება ამ კიბეებზე ნელა ასულიყოს, კუნტრუშით ავირბენდით ხოლმე ამ რვა საფეხურს და სულ სიხარულით ვადებდით ჩვენი დირექტორის სახლის კარს...

იქ იწყებოდა დიდი ზეიმი, სკოლის ამბების გახსენება, ექსკურსიები-ს, ყველა ჩვენი ცელქობის, ძველი თინეიჯერული შეყვარებულობის ამბების.

გრძელ დივანზე ვსხდებოდით, შუაში დიდი კაკლის მაგიდა იდგა, მაღალ ფეხებზე, ზედ ისე ლამაზად იყო დაყრდნობილი ეს ჩემი სკოლის დირექტორი, რომ თითქოს უფრო ბრწყინვალე ხდებოდა ეს კაკლის მაგიდა და მეტად ლამაზი...

-აბა, როგორ ხართ? როგორ მოგწონთ სტუდენტობა. -კარგია, მას, კარგი, უბრალოდ, როცა აღმართისკენ ავლა გვინდა, თქვენი ნახვა, ეს აღმართი იქ არ არის...

-ლევანი რას შეეხება ისე შეყვარებულია? -აუ, კი მას, უფრო მეტად, მარა არაფერი გამოსდის... ბევრს იცინოდა...

-ალბათ, ხშირადაც ვერ ნახულობთ ერთმანეთს არა? -ეს შეკითხვა ჩვენზე ძალიან მოქმედებდა, რადგან მართლაც ასე იყო, რადგან ეს დედაქალაქი იმხელა იყო, რომ ისეთი დიდი სიხშირით და აქტიურად ერთმანეთს ვერ ვნახულობდით, ზოგი გლდანში ცხოვრობდა ზოგი, ვერაზე, ზოგი - თემქაზე და ეს დიდი ქალაქი კიდევ ამის ფუფუნებას არ იძლეოდა, რომ ხშირად გვენახა ერთმანეთი...

წლები გადიოდა, სურამში ჩასვლისას არ არსებოდა, ეს აღმართი არ აგვევლო...

არ გვენახა ჩემი დირექტორი, არ გავგვეხსენებინა ჩვენი ბავშვობა, ჩვენი სკოლა...

ერთ ზამთარსაც ისე მოხდა, რომ ყველას უკვე ოჯახი გვეყავდა, აი, სად ყოფილა აღმართი თურმე ერთხელ გავიფიქრე. ზუსტად ისეთივე სასიამოვნო აღმართი იყო ეს ოჯახური აღმართი, როგორც ჩემი დირექტორის გზა - სახლამდე... მაგრამ, არა, არა ცოტა ძნელი და მეტი პასუხისმგებლობით სავსე!

თითქმის 40 წელს მიტანებულები ვართ ახლა, ყოველ ზაფხულს ვიკრიბებით და ჩვენს ჭაღარანარევე დირექტორს ვნახულობთ, მეტად გვე-

(დასასრული მე-5 გვერდზე)

ლამაზება და გველამაზება ეს ქალი, რადგან მთვარი რაღაცეები, რაც ცხოვრებისათვის საჭირო იყო, ძალიან მყარად და საფუძვლიანად გვასწავლა...

ჰო, ის არ მითქვამს, რომ თამრიკო მასწავლებელი, გერმანული ენის პედაგოგი იყო, იმ რთულ ენასაც გვასწავლიდა თავისი რთული გრამატიკით, ადვილი ხომ არ არის ერთად ბავშვებს ასწავლო ასეთი მეგობრობა და ასეთი რთული ენა... ასეთი რთული დროების სწავლა, წესიერი და არაწესიერი ზმნები...

Perfekt Präteritum

მაგრამ, ყველაზე მნიშვნელოვნად, მაინც მეგობრობის გამყარება და სწავლა გამოსდიოდა...

სულ ბოლოს, ახლახანს ავუარეთ ჩვენს დირექტორს, დიდი სუფრა გაგვიშალა. ღმერთო, რა ბედნიერება იყო, როგორ სათითაოდ ვეფერებოდით და ვემადლიერებოდით, არცერთს ჩემს სამეგობროში ქორწილი მის გარეშე არ გაუკეთებია. გაგიკვირდებათ, ჩემო მკითხველო, და ეს ყველაფერ ნამდვილი ამბავია...

13 მაისს, ყველა ვიკრიბებით ხოლმე, ჩვენს ძალიან საჭირო სამსახურებსაც რაღაცნაირად ვაგვარებთ და მის დაბადების დღეზე მივიჩქარით...

უკვე 75 წლის გახდა, რანაიარად გაგვეზარდა ასე? კი არ დაბერდა, უბრალოდ ძალიან გაიზარდა და უფრო დიდი გოგოა, უფრო ლამაზია და უფრო კეთილი...

მერე, რა, ყოველ მისვლაზე მასთან კიდევ უფრო მეტად ბავშვები ვართ ჩვენ, უფრო პატარები და უფრო მეტად ვიცით მეგობრობის ფასი...

სამოცდაათმეტი წლის რომ გახდა, დაბადების დღე, ყოფილმა მოსწავლეებმა აღვუნიშნეთ, ღამე ეზოში გადავქვეყნეთ, ყვავილებით მოვფინეთ მთელი ეზო, მერე „ფეიერვერკები“ გაუქვეყნეთ და დიდი კალათა გაუკეთეთ წერილებით სავსე...

ღმერთო, რა ბედნიერი იყო.

აი, ეს არის ცხოვრება! აი, ეს არის მასწავლებლობა, ეს არის გამარჯვება!

ახლა შვებულებებს ველით ჩემი მეგობრები, უკვე დაგეგმილი გაქვს, ჩვენი მასწავლებლის ნახვა. უკვე ვიცით, რომ ჯერ კინოს ბაღში ვიკრიბებით

და მერე იმ აღმართს უნდა დავადგეთ, ადრე ძალიან ადვილად, რომ ავივლიდით ხოლმე...

ამ ოროცი წლის ასაკში, რაცხა, გაძნელდა, კაცო, ეს აღმართი, თამრიკო მასწავლებელი კიდევ სულ გვეუბნება, რომ ახლა იწყება ცხოვრება...

ყოველთვის ასე გვეუბნებოდა...

ყველა მრგვალ ასაკში...

20 წელი- დიახ, ახლა იწყება ცხოვრება...

30 წელი- დიახ, ახლა იწყება ცხოვრება-

40 წელი- დიახ, ახალ იწყება ცხოვრება!

როცა კარგი მეგობრობა იცი, მართლაც, რომ სულ ყოველდღე იწყება ცხოვრება ...

თენდება, ტელეფონის ზარია, ახლა მობილურის,

-სოფ, კინოს ბაღში ვართ, გელოდებით...

-აუ მანქანით ავიდეთ რა, ავლა მეზარება აღმართის...

-კაი, რაა ხომ იცი აღმართს მუდამი აქვს...

-ჰო, კარგით, კარგით...

ეზოში თამრიკო მასწავლებელი გველოდა,

თითქოს გადაგეთვილდა ხოლმე, ხომ ისევ ყველა მივედით მის სანახავდ, მერე თავისთვის ჩაილაპარაკებდა სიტყვებს:-

„ჩავალ ეზოში, გადავხედავ პატარა ბავშვებს.

ცარცით ასფალტზე შემოვხაზავ დიდ კითხვის ნიშანს.“

ამ ყველაფერს რათ უნდაო კითხვის ნიშანი?

ყველაფერი სახეზე იყო-მეგობრობაც, სიყვარულიც.

ჩვენს გარდა მსგავსად სხვა ბევრი კლასი ჰყავდა გასტუმრებული, რომლებსაც მართლაც ალბათ ჩვენზე მეტი ასწავლა. მეგობრობაც და სიყვარულიც, ჩვენზე მეტს იმიტომ ვამბობ, რომ ის მოსწვევები ბევრჯერ მინახავს თავიანთი კარგი ღირსებებით. დაე, იყოს ასე, მჯობნის ჯობნი...

ჰო, მართლა,

GUTEN MORGEN FREUNDE!

ხაშურელი მოცეკვავეების უდიდესი წარმატება

„ოქროს ფარს“ ამერიკაში ელოდებიან

ხაშურელი მოცეკვავეები ამერიკაში

„ასე და ამგვარად.

ავგისტოში ლას - ვეგასისკენ ჰერი, ჰერი...“, - დაწერა სოციალურ ქსელში ქორეოგრაფმა ნონა თედიაშვილმა და ქსელიც აფეთქდა. 2023 წლის ზაფხულში, ხაშურის ქორეოგრაფიული ანსამბლი „ოქროს ფარი“, საქართველოს სახელით, ამერიკის შეერთებულ შტატებში, ლას-ვეგასში იცეკვებს. ლას-ვეგასში, რომელსაც ხშირად მსოფლიო გართობის ცენტრს უწოდებენ. ლას-ვეგასში საქართველოს, მსოფლიო კონკურს-ფესტივალზე, სამი ანსამბლი წარადგენს, მათ შორის ერთ-ერთი „ოქროს ფარია“ ქართული ფოლკლორით. ანსამბლ „ოქროს ფარის“ ქორეოგრაფი ნონა თედიაშვილი ემოციების გარეშე ვერ გვიამბობს ანსამბლის წარმატებაზე...

„ოქროს ფარი“ ერთადერთი ანსამბლია ჩვენს რაიონში და მე შემძლია ვთქვა ჩვენს ქვეყანაშიც, რომელიც ერთი წლის განმავლობაში ორ სხვადასხვა კონტინენტზე, ერთდროულად აფრიკის კონტინენტზე და ამერიკის კონტინენტზეც იცეკვებს. დავიწყებ მაროკოთი... თქვენ იცით, რომ ხაშურის ისტორიაში პირველად, ბავშვთა ანსამბლმა „ოქროს ფარმა“ იცეკვა აფრიკის კონტინენტზე, მაროკოში. 17 მონაწილე ქვეყნის დროშებს შორის საქართველოს დროშა მაშინ ბოლოში იყო მოთავსებული. ვიდრე ჩავწერე და პირობა დავდეთ „ოქროს ფარმა“, ისე ვიცეკვებდით, რომ საქართველოს დროშა მომავალ წელს სათავეში იქნებოდა. და თავში აიწია კი არა, და საერთოდ გაქრა დანარჩენი ქვეყნები, იმიტომ, რომ ჩვენ წელასც, უკვე მეორედ, მაროკოსთვის ვემზადებით, სოლო კონცერტებით.

ეს იქნება ხაშურის ისტორიაში პირველი ფაქტი, როდესაც ბავშვთა ანსამბლი საზღვარგარეთ გადის სოლო კონცერტებით ძალიან ბევრ ქალაქში. ჩვენი მენეჯერი, პროდიუსერი უკვე მუშაობს ამ თემაზე. გადაწყვეტილია, სადღაც, გაზაფხულის ბოლოს გავემზავრებით. პირობა შევასრულეთ... ეს იქნებ ერთსაათიანი ქართული ცეკვის სოლო პროგრამა, რომელსაც დაესწრება მაყურებელი და გვიხარია, რომ ბევრს გავაცნობთ ქართულ კულტურას...



და ამ მზადებაში ვიყავით, ამ გაწამაწამაში, რომ მოგვივიდა ამერიკიდან მოწვევა. ჩვენს პროდიუსერს, რეჟისორს, საქართველოში ფესტივალების ორგანიზატორს ნინო გელაშვილს გადაუგზავნია დაახლოებით 10 ანსამბლის ფოტო და ვიდეომასალა ამერიკაში. და მოვიდა „ოქროს ფარზე“ მოწვევა. ჩვენ მოვეწონეთ ორგანიზატორებს, ვიყავით აღფრთოვანებული, ძალიან მოუ-

ლოდნელი იყო, არ ვიცოდით მოგვეკიდა თუ არა ხელი, გავწვდებოდით თუ არა ამ ყველაფერს... ხალხმა ისეთი რეაქცია გამოხატა, რომ აუცილებლად უნდა წავსულიყავით, სტიმული მოგვცეს. დავიწყეთ ორგანიზება. ნუ, მოვიპოვეთ პირველ ეტაპზე ვიზები, ესხა მეორე ეტაპზე შედის კიდევ მეორე ჯგუფი ბავშვების და დიდი იმედი გვაქვს, რომ იქიდანაც წარმატებულები დავბრუნდებით.

- ქალბატონ ნონა, გილოცავთ ანსამბლის და მოცეკვავეების უდიდეს წარმატებას და გვანტერესებს ყველაფერი, რაც ამერიკაში, ბევრისათვის საოცნებო, თავისუფლების ქვეყანაში თქვენს მოგზაურობას უკავშირდება.

- აშშ-ს ყველაზე მაგარ, განვითარებულ ქალაქში, ლას-ვეგასში, მსოფლიო ფესტივალების ორგანიზატორი, ძალიან წარმატებული ზემკოვის საბაღეტო აკადემიის მიწვევით მივედივართ, რომელიც მეგობრებთან უკრაინელ მამა-შვილ სტრიმოვსკებთან ერთად ატარებენ ფესტივალს. ხაშურელ ბავშვებს ექნებათ საშუალება, აიხდინონ ოცნება, მოხვდნენ სხვა ზღაპრულ სამყაროში.

ეს არის მსოფლიო კონკურს-ფესტივალი. რაც არ უნდა მცირე შემადგენლობით წავიდეთ, თქვენ იცით, რომ ამერიკის ვიზების მიღება ძალიან რთულია, რამდენიმე ბავშვს არ მისცეს... მაგრამ რა შემადგენლობითაც არ უნდა წავიდეთ, ვდებთ პირობას, რომ საქართველო იქ იქნება ძალიან წარმატებული, ღირსეული და გვინდა, რომ გამარჯვებით დავბრუნდეთ, ვასახელოთ ჩვენი ქვეყანა.

საქართველოდან შერჩეულია სხვადასხვა ჟანრის სამი კოლექტივი. ქუთაისის ბავშვთა ანსამბლი მოდერნის სტილის ცეკვებით, ზუგდიდის ბავშვთა ანსამბლი ვოკალური ნომრებით და „ოქროს ფარი“ ქართული ფოლკლორით. ერთად გავემზავრებით საქართველოს სახელით და ვეცდებით, საქართველო ყველა ჟანრში იყოს წარმატებული და აღიარებული. ჩვენი მიზანია, ღირსეულად დავბრუნდეთ. რომ რაიონმა, ქვეყანამ იამაყოს „ოქროს ფარელებით“. ყველაზე მეტად ის გვიხარია, რომ ხაშურელი ბავშვები ამ ყველაფერს ნახავენ და პირადად ცოცხლად შეიგრძნობენ.

- მართლაც დიდ პასუხისმგებლობას გაკისრებთ ეს ფაქტი და მინდა, გკითხოთ: როგორ მიდის მზადება?

- ყოველი გასვლის წინ ხდება გადახალისება. ჩვენ რაც ნახაზი გვაქვს, იმით იშვიათად დავდივართ ფესტივალზე. ყველა ფესტივალს და კონკურსს აქვს თავისი მოთხოვნილებები, რასაც უნდა მივეყვებო, დავაკმაყოფილო. ამერიკაში გამგზავრებამდე ყველაფერი იქნება დაკონკრეტებული...

მაგრამ ამერიკამდე, მაროკოსა და ამერიკას შორის კიდევ გვაქვს ვეროგასელა, საბერძნეთში, სალონიკში. ეს იქნება ზაფხულში, ივლისში. მოვივლით ვეროპასაც, საბერძნეთს ნახავენ ბავშვები, ნახავენ მეტეორას, რაც ძალიან მნიშვნელოვანია, ათონის მთას, ბერი პაისის საფლავს და ძალიან მაღალი ღონის ორ კონკურსში მივიღებთ მონაწილეობას. იმედი გვაქვს, რომ საბერძნეთიდანაც პრიზს გამოვიყოფებით.

არის სხვა მოწვევა ივნისშიც. არ ვიცი, როგორ „დავძლევთ“ დროის ფაქტორს, ვნახოთ. მექსიკიდან გვაქვს კიდევ მოწვევა. მაგრამ მექსიკის საელჩო არ არსებობს საქართველოში, არის მხოლოდ თურქეთში, სტამბულში და ვფიქრობთ, რომ გავუკეთოთ ორგანიზება და თუნდაც რამდენიმე ბავშვით, გავემზავროთ სტამბულში ვიზების ასაღებად. არ გვინდა გამოვტოვოთ ეს მსოფლიო ფესტივალიც, რაც ძალიან იშვიათად ტარდება მექსიკაში. და ალბათ პირველი ბავშვთა ანსამბლი ვიქნებით, ვინც ხაშურიდან გავემზავრებით. ვნახოთ, ამის ორგანიზებაში ვართ ამ ეტაპზე...წელს ვართ ძალიან ბევრი მიმართულებით დაყოფილი. ყველა მიმართულებით ვმუშაობთ. ჩვენთან ანსამბლის ყველა წევრი კარგად ცეკვავს ყველა ერთმანეთზე საუკეთესო მოცეკვავეა, პატარიდან დაწყებული, დიდით დამთავრებული. ამიტომ, ნიჭით ვერ შევარჩევთ ჩვენთან ბავშვებს, ვინ სად გამგზავრდება, ცოტა რთულია, ვითვალისწინებთ მათ სურვილებს და ვართ მათი სურვილით გადაანაწილებული.

ქალბატონი ნონა რამდენიმე ხნის წინ შემდგარ ანსამბლის მოცეკვავეების კიდევ ერთ წარმატებას იხსენებს და იტალიაში, ქალაქ მილანში მათ მოგზაურობაზე გვიყვება სიხარულით და სიამაყით.

(გაგრძელება მე-6 გვერდზე)



„ოქროს ფარს“ ამერიკაში ელოდებიან

-ზუსტად ორი დღეა, რაც ჩვენი მოცეკვავეები, ანსამბლის სამი სოლისტი, სამი მოცეკვავე, რომლებსაც ყველა მსოფლიო ფესტივალი მოვლილი აქვს და ჩვენთანაც მოდიან ამერიკაში, დაბრუნდნენ იტალიიდან, მილანიდან, სადაც მსოფლიო დონის ორგანიზაციის მიერ გახლდნენ მიწვეულები სრული დაფინანსებით. მილანის ტელევიზიაში ჩაიწერა სპეციალური გადაცემა, რომელიც ეთერში დაახლოებით თვენახევრის შემდეგ გავა. იქ მოხდა ძალიან მნიშვნელოვანი ფაქტი. ისეთი მნიშვნელოვანი, რომ მალე მთელი საქართველო აღაპარაკდება. უბრალოდ, გადაცემის ეთერში გასვლამდე, ვერ ვსაუბრობ გასაგები მიზეზით. მაგრამ ჩვენი ბავშვები შევლენ ისტორიაში ნამდვილად. ხაშურელი მოცეკვავეები. ესენი არიან: ნინო ლომსაძე, ვასილ დევედარიანი, ლევან საჩალელი. მოწვევა გაუკეთა ჩვენს ბავშვებს მსოფლიო შოუების მოცეკვავემ, სოლისტმა გიორგი კვანჭიანმა. როდესაც ეს გაჟღერდება, ყველა აღაპარაკდება და ამის უფლებაც გვექნება, მერე აუცილებლად პირველი, ექსკლუზიურად თქვენს მკითხველს გაიგებს ნამდვილ მიზეზს „ოქროს ფარის“ მოცეკვავეების მილანის ტელევიზიაში სტუმრობისას.

ანსამბლ „ოქროს ფარის“ კიდევ ერთი მოცეკვავე და სოლისტი მარიამ

და ბოლოს, არც „ოქროს ფარის“ სხვა ხელმძღვანელები არიან სიახლეების გარეშე. როგორც ქორეოგრაფი ნონა თედიაშვილი აღნიშნავს, „ანსამბლის კოსტიუმები ძალიან დიდ წარმატებას, მოწონებას იმსახურებს როგორც საქართველოში ისე - საზღვარგარეთ - ანსამბლის სამხატვრო ხელმძღვანელის, მთავარი ქორეოგრაფის პაატა თედიაშვილის დამსახურებით. იღვმება ახალი ცეკვები, ისაბტება და იქმნება ახალი კოსტიუმები და გაზაფხულზე, 26 მაისს, საქართველოს დამოუკიდებლობის დღეს, უკვე ხაშურშიც გამოეფინება და გამოშიურდება“.

- ანსამბლი „ოქროს ფარის“ დირექტორი, ქალბატონი ნელი იაშვილი ანსამბლში, ძირითადად, ბავშვების აღზრდით არის დაკავებული და მათ სიკეთეს ასწავლის. ყოველთვის მისი ინიციატივით ხდება ქველმოქმედების ორგანიზება. ვამბობ, რომ ჯერ უნდა იყვნენ ადამიანები და მერე მოცეკვავეები. ძალიან ბევრი ეკლესია-მონასტრებისთვის, გაჭირვებული ადამიანებისთვის, უნარშეზღუდული და დაავადებული ბავშვებისთვის გაგვიკეთებია საქველმოქმედო კონცერტები, გვექონდა საახალწლოდ საქველმოქმედო პროექტებიც გაჭირვებული ოჯახების დასახმარებლად. „ოქროს ფარი“, ეს არის იცეკვო, იმღერო, იარო კონცერტებზე, ფესტივალებზე და, პარალელურად, აკეთო ძალიან დიდი სიკეთე. სულ ვუბნები ბავშვებს, რომ თქვენს ცეკვას, თქვენს სიმღერას, თქვენ ბედნიერებას არ აქვს ფასი, თუ გარშემო არ არის ადამიანი ბედნიერი. თუ გარშემო ვიღაცას უჭირს, აუცილებლად უნდა დავეუდგეთ გვერდში... გვინდა, რომ ბავშობიდანვე ისწავლონ სიკეთის კეთება, მარტო ცეკვა არ არის მთავარი... ადამიანებად უნდა გაიზარდონ ჯერ და მერე მოცეკვავეებად!

ანსამბლი „ოქროს ფარი“ , როგორც საუბარში ქალბატონი ნონა აღნიშნ



ნავს, 13 ივნისს, თბილისის წყალდიდობის დროს დაეხმარნენ დაზარალებულებს და თბილისის მერიც გააოცეს. იმ მიმე დღეებში, ერთადერთმა ანსამბლმა ხაშურიდან, მიიღო ქველმოქმედებაში მონაწილეობა. დაეხმარნენ უკრაინის ომის დაზარალებულებსაც. და ამჟამად, მათი სურვილია, თურქეთის ქალაქ გაზიანთების მიწისძვრით დაზარალებულებსაც გვერდით დაუდგნენ.

- ქალაქმა გაზიანთებმა, მისმა მერმა, მოსახლეობამ ჩვენ ძალიან დიდი პატივი და სიყვარული დაგვანახა ფესტივალზე სტუმრობისას, თურქეთში გასტროლზე ყოფნისას („ხაშურის მოამბემ“ თურქეთში „ოქროს ფარის“



წარმატებული და სიურპრიზებით დატვირთული მოგზაურობის შესახებ გაზეთის გასულ ნომრებში უამბო მკითხველს). ამიტომ ჩვენ ახლა ვუკეთებთ ორგანიზებას და თბილისში, თურქეთის საელჩოში მივიტანთ ჩვენს შესაწირ პროექტებს, ტანსაცმელს, პირად ნივთებს და რაც შეგვიძლია, დავეხმარებით ამ პატარა ქალაქს... სიკეთე ყოველთვის უკან ბრუნდება.

ამიტომაც არის ალბათ, რომ უფრო მეტ და უფრო დიდ წარმატებას აღწევს ანსამბლი. ძალიან მუშა პროცესი აქვთ ანამბლში და ბევრ წარმატებას ვუსურვებთ. მადლობა რომ ჩვენი ქალაქის სახელით იღვწით.

თეა ახალკაცი



გიკაშივილი, აწ უკვე „ფოცხიშილების ნაციონალური ბალეტის“ დასის მოცეკვავე ამერიკაში 2 თვიან საგასტროლო ტურნეში გაფრინდა დასთან ერთად. ხაშურელი ნიჭიერი მოცეკვავე კონცერტებით გამოვა მაიაში, ფლორიდაში, ნიუ-იორკში, ლოს-ანჯელესში, კალიფორნიაში, ტეხასსა და ფილადელფიაში. როგორც ინფორმაცია ვრცელდება, ყველა ბილეთი გაყიდულია და კონცერტების დამატება იგეგმება. წარმატებები ხაშურელ მოცეკვავეს „ოქროს ფარელ“ მარიამს.

- ქალბატონო ნონა, ბუნებრივია ანსამბლს ჰყავს სპონსორებიც...

- ყოველთვის არიან სპონსორები. სპონსორების გარეშე ვერ გავძლებთ. მაროკოში მოგზაურობისას მხოლოდ სამგზავრო ბილეთი შევიძინეთ, ყველაფერი დაფინანსებული იყო. დაფინანსებულია მომავალი მოგზაურობაც. არის ხოლმე თანადაფინანსებაც. მაროკოს დაფინანსების დროს, თვითმფრინავის ბილეთები ძალიან გაძვირდა სეზონის გამო, ამიტომ, არ დავიღვებო, ძალიან დიდი მადლობა, მერამდენედ უკვე, რომ გადავუხადო ბატონ ლევან გამრეკელს, რომელმაც გარკვეული ფულადი დახმარება გამოუყო ანსამბლს ბილეთების შესაძენად. უღრმესი მადლობა მას, მის გარეშე ჩვენ მაროკოში ვერ წავიდოდით.

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი და გაზეთის რედაქტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499. P-ით მონიშნული სტატია იბეჭდება დაკვეთით გაზეთი იბეჭდება თბილისში.